



Hr. Karl Lyberth  
Siumumit Inatsisartuni ilaasortaq

### **Suliffiit amerlassusaannut tunngatillugu apeqqut nr. 011-mut akissut**

Inatsisartut suleriaasianni § 37, imm. 1 naapertorlugu suliffiit amerlassusaannut tunngatillugu Naalakkersuisunut apeqqutilliisimavutit. Apeqqutigisat akisussaaffigisanni akineqartussanngorlugu innersuutaasimavoq.

### **Ukiuni 2010-mi, 2011-mi, 2012-milu ataatsimut isigalugu nunatsinni suliffiit ikiliartorsimappat imaluunniit amerliartorsimappat?**

2012-imi oktobarimi Kalaallit Nunaanni Naatsorsueqqissaartarfiup suliffeqarfigisamut naatsorsueqqissaarissut nutaaq saqqummersippaa. Naatsorsueqqissaarutikkut nutaakut Kalaallit Nunaanni suliffeqarfiusumut naatsorsueqqissaarisarneq oqaatsitut najoqqutarisanut nunani tamalaani suliffeqartut kattuffianni ILO-mi akuersissutaasimasunut qanillattortinneqarput.

Naatsorsueqqissaarissut Kalaallit Nunaanni Naatsorsueqqissaartarfiup nittartagaani [www.stat.gl](http://www.stat.gl)-imi suliffeqarfiusumut tunngatitap ataani tamanut saqqummersinneqarpoq, iluseralugit saqqummersitat ataqatigiissut marluk, "2010-2011-mi suliffissaaleqineq aamma sulisartut" aamma "2011-mi suliffeqartiterneq". Saqqummersitani naatsorsueqqissaarinermi periutsit killissaqarfiillu nassuiarneqarput, saniatigullu saqqummersitanut atatillugu naatsorsueqqissaarutitut katersani [bank.stat.gl](http://bank.stat.gl)-imi immikkut tigusassanik, suliffissaaleqineq suliffeqarnerlu suaassutsimut, ukioqassutsimut, nunami najugaqarfimmu suliffigisaasunullu immikkoortitsisunik periarfissiisoqarpoq.

Ataaniittoq tabel 1 illoqarfinnut nunaqarfinnullu immikkoortiterlugit najugaqavissuusut suliffeqarfigisaasa ineriartorneranik takutitsivoq. Najugaqavissut tassaapput inuit, Kalaallit Nunaanni ukiup aallartinnerani naanerani inunnik nalunaarsuisarfimmi najugaqarsimasuusut.

### **Tabel. Qaammatikkaanut agguaqatigiissillugu 14-it sinnerlugit ukiulinni inunni najugaqavissuni suliffeqartut amerlassusaat**

	2009	2010	2011
Tamarmik	24.868	24.525	24.320
Illoqarfiit	21.470	21.125	21.124
Nunaqarfiit il.il.	3.398	3.401	3.196

Najoqutaq: [Statistikbanken.bank.stat.gl/ARDBFB1](http://Statistikbanken.bank.stat.gl/ARDBFB1)

2013-imi ukiakkut 2012-imut akileraartarnermut naatsorsukkat naammassereernerisa kingorna 2012-imut suliffeqartuusunut kisitsisit aatsaat suliarineqassapput.

30. januar 2013  
Sagsnr. 2013-079666  
Dok. Nr. 1135136

Postboks 1601  
3900 Nuuk  
Tlf. (+299) 34 50 00  
Fax (+299) 32 56 00  
E-mail: [isiin@nanoq.gl](mailto:isiin@nanoq.gl)  
[www.nanoq.gl](http://www.nanoq.gl)

Ilisimaneqartutut 2012-imi novembarimut aamma decembarimut suliffissaaleqisoqarnermut naatsorsueqqissaarinerit takutippaat kiisami maannakkut suliffissaaleqisut amerliartorunnaartut, taamaalilluni ukiup siuliani piffissamut tassunga naleqqiullugu suliffissaaleqisoqarneq ikileriaateqarsimalluni.

Inussiarnersumik inuulluaqqusillunga

Ove Karl Berthelsen